

Okružni privredni sud u Istočnom Sarajevu, stečajni sudija Minja Mirvić, u stečajnom postupku nad stečajnim dužnikom AD GIK Hidrogradnja - u stečaju, ul. Magistralni put 11, Pale, dana 29.08.2025. godine donio je sljedeće:

R J E Š E N J E

1. Zaključuje se stečajni postupak nad stečajnim dužnikom AD GIK Hidrogradnja - u stečaju, ul. Magistralni put 11, Pale.
2. Razrješava se dužnosti stečajni upravnik Jokić Radomir iz Teslića.
3. Ovo Rješenje će se objaviti u Službenom glasniku RS i na oglasnoj ploči suda.
4. Po pravosnažnosti Rješenja, isto će biti dostavljeno registru Okružnog privrednog suda u Istočnom Sarajevu, radi brisanja stečajnog dužnika iz sudskog registra.
5. Obavještavaju se stečajni dužnik, stečajni upravnik i povjerioci da pravne posljedice zaključenja stečajnog postupka nastupaju 8 dana nakon objavljivanja ovog Rješenja u Službenom glasniku Republike Srpske.

Obrazloženje

Rješenjem ovog Suda broj 61 0 St 003841 11 St od 18.06.2012. godine, otvoren je stečajni postupak nad stečajnim dužnikom AD GIK Hidrogradnja, a oglas o otvaranju stečajnog postupka objavljen je u Službenom glasniku broj 65/12 od 11.07.2012. godine.

Dana 19.09.2012. godine, 17.10.2012. godine, 12.12.2012. godine i 25.12.2013 godine održana su ispitna ročišta gdje su ispitane ukupno 254 prijave potraživanja i 4 zahtjeva za izlučenje imovine iz stečajne mase. Prijavljeno je ukupno 18.286.935,22 KM potraživanja stečajnih povjerilaca, te priznat ukupan iznos od 14.601.709,60 KM, a osporen iznos od 3.685.225,62 KM.

Dana 25.12.2013. godine i 15.03.2021. godine, su održana izvještajna ročišta na kojima je stečajni upravnik upoznao povjerioce sa stanjem i imovinom stečajnog dužnika, sa radom Odbora povjerilaca, procjeni imovine po ovlaštenim vještacima, da je angažovan advokat za vođenje sudskih postupaka, nakon čega je usvojen izvještaj stečajnog upravnika, data saglasnost Odboru povjerilaca za unovčavanje stečajne mase i saglasnost stečajnom upravniku za novu procjenu preostale nekretnine i opreme.

Dana 31.10.2022. godine održano je treće izvještajno ročište na kojem je stečajni upravnik upoznao povjerioce da je održano ukupno 37 sjednica Odbora povjerilaca, da je preostala stečajna masa stečajnog dužnika procjenjena u vrijednosti od 1.765.643,00 KM, od toga nekretnine iznose 1.068.793,00 KM i pokretne stvari u iznosu od 697.140,00 KM, da je namireno potraživanje iz višeg isplatnog reda u cjelosti u iznosu od 741.178,00 KM, a potraživanje povjerilaca iz opšteg isplatnog reda u iznosu od 5.521.602,80 KM odnosno 40% od utvrđenog iznosa.

Dana 01.12.2022. godine održano je četvrto izvještajno ročište na kojem je naloženo stečajnom upravniku da preda sudu diobni popis, te opis nekretnina i druge imovine koja nije unovčena.

U toku postupka stečajni upravnik je shodno odlukama skupštine i odbora povjerilaca izvršio unovčenje imovine.

Na ročištu za glavnu diobu održanog dana 10.05.2023. godine stečajni upravnik je upoznao povjerioce da ukupna potraživanja stečajnih povjerilaca iznose 14.601.709,60 KM, od toga iznos od 741.178,00 KM se odnosi na potraživanja povjerilaca višeg isplatnog reda i iznos od 13.860.531,60 KM na potraživanja povjerilaca opšteg isplatnog reda, da ukupan iznos unovčene stečajne mase iznosi 12.367.254,60 KM od čega je utrošeno za troškove poslovanja u toku postupka odnosno dugova mase iznos od 5.036.972,47 KM, troškovi stečajnog postupka u iznosu od 861.223,41 KM, iznos za namirenje povjerilaca u iznosu od 5.520.557,42 KM, a preostali iznos od 116.853,40 KM je rezervisan za različite obaveze do zaključenja stečajnog postupka i iznos od 831.631,90 KM odnosno 6% za namirenje stečajnih povjerilaca iz opšteg isplatnog reda, te da su radnicima koji su ostali bez posla radi otvaranja stečajnog postupka uplaćena sredstva za penzijski staž iz sredstava Vlade RS do momenta otvaranja stečajnog postupka.

Stečajni upravnik je dana 20.06.2023. godine dostavio sudu Izvještaj o izvršenoj diobi stečajne mase čime je okončana glavna dioba.

Ukupno je održano 40 sjednica odbora povjerilaca.

Na ročištu za naknadnu diobu održanog dana 04.06.2024. godine stečajni upravnik je upoznao povjerioce da je viši isplatni red namiren u cjelosti 100%, a povjerioci opšteg isplatnog reda 49% od utvrđenog potraživanja, da je za namirenje povjerilaca potrošeno 80% svih odliva, te da je ostala razlika za djelimično namirenje stečajnih povjerilaca iz opšteg isplatnog reda u iznosu od 415.815,93 KM ili 3% u odnosu na ukupna potraživanja, da su i dalje u toku sudski postupci, te da preostala procjenjena imovina koja nije unovčena iznosi 168.730,00 KM.

Stečajni upravnik je dana 19.07.2024. godine dostavio sudu Izvještaj o izvršenoj prvoj naknadnoj diobi stečajne mase sa izvodima iz banke.

Stečajni upravnik je podneskom od 09.07.2025. godine obavijestio sud da nakon glavne i naknadne diobe dužnik egzistira u zakupljenoj prostoriji, da je postao problem plaćanja tekućih obaveza, da dužnik nema više materijalnih sredstava za izmirenje tekućih obaveza, te predlaže zaključenje stečajnog postupka.

Slijedom navedenog, a budući da su se stekli zakonski uslovi za zaključenje stečajnog postupka, odlučeno je kao u izreci, a na osnovu odredbe člana 131.stav 1. Zakona o stečajnom postupku (Službeni glasnik RS broj 26/10 od 29.03.2010. godine).

Stečajni sudija

Minja Mirvić

POUKA O PRAVNOM LIJEKU:

Protiv ovog Rješenja može se izjaviti žalba Višem privrednom sudu Republike Srpske u roku od 8 dana od dana objavljivanja u Sl. Glasniku RS. Žalba se podnosi putem ovog suda u tri primjerka.